

atque urinae rubrae e vesica copiosae venientes saepius ad septimum diem eam solvunt, aut in tertianam convertunt, fudor autem numquam aegrotis profuit, quamvis copiosus fuerat, vim tamen febris brevioris ille frustra effecit: nec sanguinis fluxus magnum attulit auxilium; non enim vidi, quamvis plurimis ea correptis quibusdam in locis auxiliator adfueram, frequenterque symptomata ejus observaveram*; prius quidem in Regionibus Macedoniae & Thesaliae alioquin calidioribus, cum ambae ad meridiem vergant, ubi haec semitertiana quotannis popularis fuerat; nuncque iterum in Dacia, praesertim autem anno et mense hoc, in quo & alios quidem, me autem pessime afflixit.

§. 6. Hoc itaque modo haec insiliens ad sextum usque diem irruit. Quando autem perniciose haec diem septimum transgreditur,

M

nec

(*) Ita quidem prout naturaliter procedebant hujus febris symptomata et decursus, nullo assumpto medicamento vel instituto remedio, quae decursum morbi omnino sat perturbant ac mutant; quum plerumque sero, post diem morbi 5tum 6tum 7tum et c. usque ad 20mum, uti ibidem mos est, ad aegros accersitus fueram, adeoque vel ab ipso aegro vel ab adstantibus morbi historiam audiveram, vel et ipse saepius videram; ut etiam in juvenili mea aetate, antequam medicus fueram, apud multos necessarios hoc morbo grassante correptos progressum ejus et exitum observaveram.